

قازاқ ساری

ТІРДІКСІЗ НАУКА

ҚАЗАК ТАРИХЫ

ғылыми-әдістемелік журнал



1.2008

ЕРТЕ ТЕМІР ДӘУІРІНІҢ КЕЙБІР МӘСЕЛЕЛЕРИ

(С.С. Черников еңбектері бойынша)

Досбол БАЙҚОНАКОВ (БАЙГУНАКОВ),
тарих ғылымдарының кандидаты,
Абай атындағы ҚазҰПУ-дың доценті

Тарих ғылымдарының докторы С.С. Черников — Қазақстанның көне дәүірін зерттеуге мол үлес қосқан археологтардың бірі. Сан қатпарлы еңбектерінде зерттеуші өткен ғасырдың орта тұсында Республиканың шығыс өңірлеріндегі тас дәүірінен бастап орта ғасырларға дейінгі тарихын бір ізге түсірді де, бұрын беймәлім болып келген проблемаларды қаузап, өзекті мәселелерді түйіндей келе қазақ халқының автохтондығы жайлы салиқалы қорытындылар жасады. Оның ғылыми еңбектері сонымен де құнды. Құн өткен сайын төл тарихымыз кәсіби деңгейі төмен тарихшылар тарапынан бұрмаланып жатқан кезде, оған қатысты келелі пікір айтқан зерттеушілердің соны еңбектерін ғылыми талдаудан өткізу қажеттілігіне сұраныс арту үстінде. Галымның өмірі мен шығармашылығы, оның ішінде тас және қола дәүірлері аралығындағы сауалдарды өрбітуі ішінәра кейбір еңбектерде көтерілгенімен [1], ерте темір дәүіріндегі (ЕТД) ізденістерін жүйелуе өлі күнге дейін кенжелеп келеді.

Мақалада тарихнамалық бағытта көтеріліп отырған ерте темір дәүірі С.С. Черников ғылыми ізденістерінің маңызды бір бөлігін құрайды. Бұл дәүір ескерткіштерін ғалым Шығыс Қазақстан археологиялық экспедициясын (ШҚАЭ) басқарып жүргендегі зерттей бастаған болатын. Аталмыш экспедицияның ұзақ жылдар бойы еліміздің шығыс аудандарында далалық қазба жұмыстарын жүргізуі нәтижесінде тас пен қола дәүірлерінің әлемдік өркениет көңістігін қамтығандығы нақтыланды. Мұның өзі зерттеушінің шығармашылық дүниетанымының ғаламдық кең ауқымдылығын да көрсеткен еді. Ерте темір және одан бұрынғы тарихи кезеңдердің мәселелеріне арналған ой-пікірлері терендей келе, адамзат тарихындағы басқа замандармен де ізденістер арқылы ундесяп, Республиканың шығыс аймағының өткені хақындағы кең ауқымдағы тұжырымдарына жалғасты.

С.С. Черников жетекшілік өткен Шығыс Қазақстан археологиялық экспедициясы, өсіресе, өткен ғасырдың 50-жылдарында ерте темір дәүірінің бірқатар ескерткіштерін қарқын-

ды түрде зерттеді десе болады. Айталақ, 1948 жылы Құлажорға және Баты ауылдары (Самар ауданы, ШҚО) маңындағы ерте темір дәүірінің ескерткіштерін қазды. Негізінен алғанда, Құлажорға ауылы маңындағы қорымдарды ғалым 1937 жылғы далалық маусымда тапқан болатын. Бұл ескерткіштерге зерттеушінің ерекше мән беру себебі: ерте темір дәүірінде Қазақстандағы тарихи процестерге көп үақыт бойы өсеретken далалық тайпалардың өлеуметтік-экономикалық ерекшеліктері қалыптасқан болатын. Сонымен бірге Степняк ауданындағы археологиялық материалдар андроновтық мәдениет пен ЕТД мәдениеттерінің генетикалық байланысы анықталған-ды. Мұндай ара-қатынас, С.С. Черников ойынша, металургиялық орталықтардың бірі саналатын Шығыс Қазақстан материалдарынан да кездесуі мүмкін еді. Осы пікірлерді дәлелдеу үшін аталмыш нысандар таңдал алынады. Экспедиция жұмыстары барысында Құлажорғадағы №1-4, 7-8, 12-14, 18, 20, 27-31 обалар аршылады. Баты ауылы маңындағы қорымның №5-7, 9, 20, 27-30, 33, 35, 41-42 обаларынан алдыңғы аталған қорым материалдарына үклас заттар табылады. Оба құрылыштары, қабірдегі бұйымдардың өзара үқастығы С.С. Черниковқа бірінші қорымды б.з.б. III-I ғасырларға жатқызып, кешенді б.з.б. III-I ғасырлармен белгілеуге мүмкіндік берді [2]. Материалдардан усунь, ғұн тайпалары мәдениеттерінің бөлшектерін аңғарған ғалым ЕТД-де Қазақстанның онтүстігі мен солтүстігі арасындағы мәдени және этникалық байланыс орнағандығын көрсетіп берді.

Ал, 1950 жылы экспедиция Усть-Бухтарма, Усть-Нарым, Қызылту елді мекендері жаңындағы қорымдардан 20-дан астам ЕТД обаларын қазады. Олардың көшпілігінің тоналғанына қарамастан экспедиция мүшелері б.з.б. IV-I ғасырларға жататын, Пазырық және Құлажорға кезеңдеріне тән бұйымдарды, обаларды ұшырасырады [3]. 1952 жылғы маусымда Қызылту қорымының 4-обасындағы ұжымдық қабірден

басқа бүйімдармен қатар «скифтер» типіндегі қазандар да алынады [4,56-59]. Сөйтіп, нәтижесінде зерттеуші Майәмір, Пазырық, Шілікті, Құлажорға, Сарыкөл секілді елді мекендердегі ерте көшпенді тайпалардың андроновтықтар үрпағы болғанымен жергілікті топтардың дамуы біртекті болмағандығын, олардың тарихи тағдыры әркелкі болғандығын айта келе, қазақ халқының тарихи бастауы қола дәүірінен басталатындығына тұжырымдама жасады. Оның ойынша, Шығыс Қазақстаннан қазақ халқының ежелгі этногенездік кезеңдерін көруге болады. Себебі, Пазырық күйінде апликацияларындағы ою-өрнектің қазіргі қазақ оюлағымен ұқсастығы кездейсоқтық емес, мұның өзі қазақ халқының тарихи тағдыры көне замандарға жететіндігін аңғартады [3,92]. Яғни, С.С.Черников қазақ халқының автохтондығын археологиялық мағлұматтар негізінде дәлелдеді.

1953 жылы атальыш экспедиция басқа тарихи-мәдени кезеңдердің ескерткіштерімен қатар ЕТД обаларын да зерттеді. Дәлірек айтсак, бұл жылы Мало-Красноярка, Пчела, Тусқайың, Славянка елді мекендерінің маңынан бірнеше оба қазылады. Славянка деревнясы жанындағы корым б.з.б. III ғасыр шебіне, Пчела мен Тусқайың кенттері маңындағы обалар б.з.б. III-I ғасырларға жатқызылған. Соңғы археологиялық нысандар жерлеу ғұрпы мен қыш ыдыстар тұрпатына қарағанда Құлажорға мәдениетіне жатады. С.С.Черников пікірінше, бұл обаларда қытай жылнамаларында кездесетін у-ге тайпасының өкілдері жерленген [5, 17-18].

1956 жылы Құлажорға мен Усть-Букоңы ауылдары төңірегіндегі корымдарда ШҚАЭ бұрынғы жылдары жүргізілген жұмыстарын кайта жаңандырады. 1949 жылғы Құлажорға корымының толыққанды зерттелмей қалған нысандарында зерттеулер жалғасып, тағы да 18 оба аршылады. Алынған материалдар 1948-1955 жылдардағы өзге корымдардағы (Славянка, Қызылту, т.б.) б.з.б. III-I ғасырларға жататын мәдениетке ұқсас еді. Есесіне, 54 обадан тұратын Усть-Букоңы корымынан берігей материалдар алынады. Бұл корымды ШҚАЭ мүшелері 1947 жылы кездестірген болатын. Сыртқы құрылышына қарағанда қорым Ертіс алабындағы басқа корымдардан бірден ерекшеленеді. Арышп алынған заттар мен бұйымдар, оба құрылышы С.С.Черниковқа корымды б.з.б. V-IV ғасырлармен мерзімдеуге мүмкіндік берді [6, 103-104]. Фалым мұнда Шілікті алқабында жерленген көсемдер басқарған, осында тіршілік еткен тайпалар өкілдері өмір сурген деп корытындылайды. Шіліктідегі бесінші обаны 1960 жылы ШҚАЭ С.С.Черников жетекшілігімен қазады. Ен бірінші кезекте табылған төлкел, асиметриялы-ромбылық садақ үштарын көзінде фалымдар (П.Рау, Б.Н. Граков, П.Д. Либеров, А.А. Иессен, Т. Сулимировский,

К.Ф.Смирнов, т.б.) б.з.б. VII ғасыр мен б.з.б. VI ғасыр бас кезіне жатқызған еді. Мұндай садақ үштары Алтай, Енисей орта ағысы, Орал, Қара теңіз жағалауы, Кавказ, Орта Азия, Балқан, Алдыңғы Азия, т.б. өңірлерден табылған болатын. С.С.Черников шіліктілік садақ үштарының бұл аймақтардағы үлгілерін талдағ, бесінші обаны б.з.б. VII-VI ғасырлармен мерзімдейді [7].

Жалпы алғанда, Шілікті алқабы сақ өркениетінің басты бір аудандарының бірі болғандығын да С.С.Черников өзінің «Загадка золотого кургана» атты монографиясында көрсетті берген [8]. Кітапта автор Шілікті алқабындағы ескерткіштер жайын сипаттап, корымның топографиялық суреттемесін жасайды да, бесінші оба қазбасы жөнінде анықтама береді. Еңбектегі корым жоспары, обаның қазбасы, тас-бөренелі жерлеу қабірі жөнінде айтылған суреттеме ескерткіш жайлы толыққанды ақпарат алуға мүмкіндік береді. Мұнан соң С.С.Черников қола садақ үштары мен 524 дана алтын заттарды сипаттап отеді де, б.з.б. VIII-VII ғасырлардағы жазба дерек көздерін мұқият талдағ, Ассирия, Мидия, Урарту елдерімен сақ-скиф тайпаларының өзара қарым-қатынастарын бір ізге туспіріп шыгады. Галымның пікірінше қазақстандық-алтайлық дала тайпалары Алдыңғы Азияға онтүстік жол арқылы, яғни Орта Азия жерін басып өткен. Олар бұған қарай Каспийдің онтүстік жағалаулары арқылы жылжыған. Монографиясында С.С.Черников скиф өнеріне ерекше дең кояды. Ол «скиф өнері қайда және қашанқалыптасты» дей келе, көптеген ақпараттарды ғылыми талдаудан өткізеді де, б.з.б. VII-VI ғасырлар шебінде скиф-сібір аң стилі тек өмір сүріп кана қойған жок, ол сонымен бірге өз дамуында үзак жолды басынан өткөрді деп тұжырымдайды. Сөйтіп зерттеуші сол уақыттағы бірқатар фалымдардың (Д.Н. Эдинг, Г.О. Боровка, В.В. Гольмстен, С.В. Киселев, Б.Н. Граков, М.Қадырбаев, т.б.) бұл өнер бастауы осында екендігін, оның ирандық түбірін айтқандардың сөзі бекер екендігін колдады [8, 120-121]. Қазіргі күні Шілікті жазығында зерттеулер жүргізіп жүрген бір топ археологтардың (Ә.Т. Төлеубаев, Ф.Қ. Омаров, т.б.) еңбектері мұндағы ерте темір дәуіріне тән хронология мен мәдениетке қатысты кейір С.С.Черников пайымдауларының дұрыстығын көрсеттіп отыр. Бүгінгі танда Шіліктідегі Бейтегебе обасының материалдары сақ мемлекеттілігінің бұрынғы мерзімін ертерек уақыттарға (б.з.б. VIII ғ.) жылжыту қажеттілігін көрсетуде.

Ерте замандардағы мемлекеттілікке қатысты С.С.Черниковтың өзіндік ойлары болғанымен, мұны ол болашақта археологиялық ескерткіштерді (кала, оба, қоныс, т.б.) зерттеу барысында түпкілікті шешүге болады деп есептеді. Фалым өзінің «Основные проблемы археологического изучения Казахстана» деп аталағын макаласында

сақ-массагет заманынан бастап көне түркі дәуіріне дейінгі тайпалар мен халықтардың мұндай бірлестіктерін «ерте көшпендердің тайпалық одактары», одан кейінгі кездегі мемлекеттерді «тағы (варварлық) мемлекеттер» деп айқындағы [9]. Шынтуайтқа келгенде, зерттеуші қонында бұл мақаласын жазған кезде (1950 ж.) марымды маглуматтар болмаған еді. Сол себепті де ол көне замандардағы билік пен мемлекеттілікке катысты салиқалы корытынды жасай алмаған еді. Есесіне археолог мұндай проблемаларды шешу үшін археологиялық карта жасау, бегазы типіндегі ескерткіштерді зерттеу, Отырар кешенін қазу және осы ауданда барлау жүргізу, антикалық, қытай және ортагасырылық деректемелерді зерттеу, қанлы мен оғыз проблемаларын қарастыру, отырықшылар мен көшпендерді халықтардың байланыстарын анықтау, т.б. көптеген сауалдарды шешу қажет екендігін айтты [9, 70].

С.С. Черников қарастырган проблемалардың бірі «ерте көшпендерлер» сөзі болды. Бұл мәселенің біршама теориялық-методологиялық жайттарын ғалым «О термине «ранние кочевники» аталатын мақаласында қаузады [10]. «Ерте көшпендер» түсінігін алғаш рет 1939 ж. М.П. Грязнов ғылыми айналымға енгізген болатын. Қазіргі таңда осы атаудың орнына көбіне «ерте темір дәуірі» сөзі қолданылады, оның хронологиялық шегі шамамен б.з.б. VII ғасырдан б.з. V ғасырына дейінгі аралықты қамтиды. Мұның өзі шартты түрде алынған. Аталыш терминнің хронологиялық аясын С.С. Черников сол кездегі ғылыми ұстаным бойынша б.з.б. VIII ғасырдан б.з. алғашқы ғасырларымен белгіледі де, жоғарғы мерзімнің өлі нақты еместігін ескертті [10, 17]. Кейбір өдебиеттерде «ерте көшпендер» атауы өлі де қолданыла береді.

Дегенмен, жазба дерек көздерінде дәуірге катысты жалпылама түсініктін болмауы, бұл терминнің ұзақ жылдар кеңестік тарихнамада орығып тұруына алып келді. Далалық аймақтардағы бір тарихи-мәдени кезеңде өмір сүрген барлық халықтар мен тайпаларды «скиф дәуірі», «скиф заманы» сыйның сөздерді қолдана отырып бір терминмен атап зерттеушілер тарапынан біршама түсініспеушілікті туғызды. Себебі, жекелеген зерттеушілер жазба дерек көздеріне сүйеніп скиф сыйның тайпаларды Монголия жеріне дейінгі аймақтан іздестірген болатын. Мұны айта келе С.С. Черников Дунай орта ағысынан Қытай егіншілік аймақтарына дейінгі ұлы дала белдеуіндегі көшпендерлер тарихында, біріншіден, күлдің формацияның болмагандығын, бірақ күл еңбегі пайдаланылғандығын (үй күл, қолөнерші күл, қүл-тауар); екіншіден, таптық қоғам процестері баяу жүргендігін, оның «әскери демократия» сатысында ұзақ уақыт тұрып, үстем таптың бірігүй мен мемлекеттіліктің қалыптасуы нашар дамы-

ғандығын; үшіншіден, таптық иерархия, мемлекеттік құрылым тұрпаттары мен құқықтық институттар егіншілер қоғамында дами қоймандығын; төртіншіден, этногенез үрдістері де баяу қозғалғандығын; бесіншіден, көшпендердің тарихының өне бойында отырықшылармен қақтығыстар жиі болып тұрғандығын; алтыншыдан, ірі көшпелілер тобының көбіне батысқа қарай қозғалтындығын; жетіншіден, барлық қоғамның үйымдары әскери сипат иеленгендігін нақты айқындағы берді [10, 19-20]. Сондай-ақ ол ерте көшпендер Еуразия құрлығындағы көптеген тұрлі халықтар мен елдердің тарихи тағдырының бірігүйне өз септігін тигізіп отырғандығын тұжырымдады. Сөйтіп, С.С. Черников кеңестік тарихнамада алғашқылардың бірі болып көшпелі өркениет теориясын қалыптастыруға өзіндік үлесін қости.

Кеңестік дәуірде өмір сүргендіктен, С.С. Черников өз енбектерінде таптық қоғам проблемаларына да аздал тоқталуға мәжбүр болды. Алайда оның тарихи пайымдаулары шындыққа жақын болғандығымен ерекшелінеді. Зерттеуші «К вопросу о классообразовании у кочевников» деп аталатын еңбегінде ең алдымен «көшпендер» терминіне кеңінен тоқталып өтеді [11]. Бір айта кететін жайт, көшпендер терминіне оған дейін бірқатар ғалымдар тоқталған болатын. Айталық, С.И. Руденко [12] көшпендер деп егіншілікпен айналыспайтын тек мал өсірушілерді ғана атады, сонымен қатар кейде «жартылай көшпендер» терминін де қолданды. Ал, В.П. Шилов [13] болса, далалы өңірде тіршілік етіп, мал шаруашылығымен айналысқан кима мәдениетінің кейір тайпаларын таныды.

С.С. Черников өз кезегінде бұл мәселе бойынша нақты шекті белгілеу мүмкін еместігін айтады, себебі адам баласының шаруашылық қарекеттері көп тұрлі, оның өзі қай өндіріс саласы өзіне тиімді екенін анықтады. Автордың ойынша, жетекші шаруашылығы мал өсіру болған жоғарыда аталған еуразиялық белдеудегі барлық тайпалар мен халықтар көшпелі болып табылады [11, 73]. Одан бергі уақытта көшпелер, көшпелі империялар жайы ғалымдар тарапынан біршама тыңғыштықты зерттеліп, оны қалыптастыратын негізгі факторлар анықталды. Қазіргі отандық тарихнамада көшпелі шаруашылықтың ең алдымен табиғи жағдайларға байланысты қалыптасқандығы туралы көзқарас басымдық танытады.

Ал, барлық көшпелі мемлекеттер тайпалық негізде құрылатындығын жазған С.С. Черников ғұндар қоғамындағы шаньюй қызметін, билік құрылымын жазба деректері арқылы талдаған. Нәтижесінде ғалым ғұндарда канада нақты көрініс таптайтын пікірге келген [11, 74]. Оның пайымдауынша, жер шаруашылығы негұрлым өнім көбейген сайын онда таптық катынас күшіне түседі, ал егіншілік ролі төмөнделген сайын таптық қоғам өлсіз болады [11, 80].

Қорыта келгенде, ерте темір дәуіріндегі бір-катаар проблемалар С.С. Черниковтың мұнайынан мәселелерді шешуде автор археологиялық және жазба дерек көздерін шебер үштастыра білді. Нәтижесінде, қазақ этногенезінде ерте темір дәуірінің ғылыми мағлұматтары мол ақпарат беретіндігін, ұлттық этногенез бастауы аталмыш кезеңінде ертеректегі уақыттарынан бастау алатындығын айқындаш берді, яғни қазақ халқының автохтондығын қолдады. Оның ғылыми ізденістері болашақта арнайы зерттеуді қажет етеді.

РЕЗЮМЕ

В статье рассматриваются некоторые труды С.С.Черникова, в частности касающихся проблем раннего железного века, так как они имеют большое значение в деле исторического изучения Казахстана. Успешное разрешение некоторых проблем, над которыми работал этот ученый дает возможность воссоздать древнюю историю Казахстана.

* * *

The article some scholarly S.S. Chernikow, consider revising problems the Iron Age. They to take place large importance really historical study Kazakhstan. Success decisions some problems, to be working on a see learned, to give possibility to reconstruct antique history Kazakhstan.

ӘДЕБИЕТТЕР

1. Байгунаков Д.С. С.С. Черников-тас және палеометалл дәуірлерін зерттеуші / ҚазҰУ Хабаршысы, 2007. Тарих сериясы. №4.
2. Черников С.С. Отчет о работах Восточно-Казахстанской экспедиции 1948 г. / Известия АН Казахской ССР, 1951. Сер. археол. Вып. 3. 64-79
3. Черников С.С. Восточно-Казахстанская экспедиция 1950 г. / КСИИМК, 1952. Вып. XLVIII. С. 81-92
4. Черников С.С. О работах Восточно-Казахстанской экспедиции / КСИИМК, 1956. Вып. 64. С. 43-60
5. Черников С.С. К изучению древней истории Восточного Казахстана / КСИИМК, 1957. Вып. 69. С. 12-21
6. Черников С.С. Работы Восточно-Казахстанской археологической экспедиции в 1956 году / КСИИМК, 1959. Вып. 73. С. 99-106
7. Черников С.С. Золотой курган Чиликтинской долины / КСИА, 1964. Вып. 98. С. 29-32
8. Черников С.С. Загадка золотого кургана. М., Изд.-во «Наука», 1965.
9. Черников С.С. Основные проблемы археологического изучения Казахстана / Известия АН казахской ССР, 1950. Серия историческая. Вып. 5. С. 63-70
10. Черников С.С. О термине «ранние кочевники» / КСИИМК, 1960. Вып. 80. С. 17-21
11. Черников С.С. К вопросу о классообразовании у кочевников / Проблемы советской археологии. М., 1978. С. 73-80
12. Руденко С.И. К вопросу о формах скотоводческого хозяйства и о кочевниках / ГО СССР. Материалы по отделению этнографии, 1961. Вып. 1.
13. Шилов В.П. Модели скотоводческих хозяйств степных областей Евразии в эпоху энеолита и раннего бронзового века / СА, 1975. №1.